

për të mirën e shoqërisë...

FONDACIONI ALBIZ

Fondacioni për zhvillimin e arsimit dhe kulturës

RAPORT VJETOR

2018

Fondacioni për zhvillimin e
arsimit dhe kulturës Albiz

Adresa e botuesit

rr. 20 nr. 97, Saraj, Shkup
Republika e Maqedonisë

Kontakti

Tel. 02/2057-632

Faksi 02/2057-632

e-posta: info@albiz.org.mk

www.albiz.org.mk

Drejtor ekzekutiv

Besir Dernjani

Redaktor përgjegjës

Gramoz Shabani

Fotografitë

Foto arkivi i Fondacionit Albiz

Dizajni grafik

Eroll Demiri

Shtypi

Fokus print



për të mirën e shoqërisë...

PËRMBAJTJA

VIZIONI DHE MISIONI.....	4
MESAZH NGA UDHËHEQËSIA.....	5
PLATFORMAT.....	6
Platforma edukativo - arsimore.....	6
Programi “Bursa për nxënës dhe studentë”	6
Projekti “Storje suksesi”	8
Trajnimi për ndërmarrësi sociale.....	10
Trajnimi për udhëheqje me cikël projekti.....	11
Platforma kulturore - sportive.....	12
Veprimtaria botuese.....	12
Mbrëmje poetike.....	14
Liga shkollore në futboll të vogël.....	15
Sporti i bënë bashkë filloristët e Sarajit.....	15
Platforma socio-humanitare	16
Pako me produkte ushqimore	16
Mbështetje për organizatat dhe institucionet.....	17
Platforma për zhvillim.....	18
Programi për punë praktike.....	18
Kursi për rrobaqepësi.....	19
Panairi i tretë i bizneseve në Komunën e Sarajit.....	20
Platforma për infrastrukturë.....	21
Rinovohet Spitali “Nëna Terezë”	21
Projekti “Kultura është Cool”.....	22
Projekti “Për planifikim më të suksesshëm të karrierës”.....	24
ORGANIZATA.....	28
Këshilli i donatorëve.....	28
Këshilli drejtues.....	28
Zyra ekzekutive.....	28

VIZIONI DHE MISIONI

Vizioni i Fondacionit ALBIZ është të krijojmë shoqëri të qëndrueshme për gjeneratat e reja. Misioni i Fondacionit ALBIZ është fuqizimi, avancimi i shoqërisë, si dhe promovimi i vlerave përmes mbështetjes dhe krijimit të mundësive.

Objektivat strategjike të Fondacionit janë:

- përkrahja dhe fuqizimi (ngritja e kapaciteteve) i komuniteteve në nevojë;
- promovimi i përgjegjësisë shoqërore të kompanive si dhe ndërmarrësisë (sociale);
- mbështetja socio - humanitare për grupet në nevojë;
- promovimi i vlerave të mirëfillta shoqërore, si dhe rikthimi i besimit dhe dinjitetin të qytetarëve;
- organizimi më efektiv, kompetent dhe profesionalizëm i dëshmuar si dhe komunikim i përmirësuar me aktorët e jashtëm;

MESAZH NGA UDHËHEQËSIA

Në vitin 2018 pati mjaft ngjarje të cilat sollën kthesë në historinë e Maqedonisë. Vitin që e lamë pas Fondacioni ALBIZ punoi me përkushtim në sfera të ndryshme. Gjatë kësaj periudhe Fondacioni ynë ka realizuar aktivitete të larmishme, si në nivel lokal, ashtu edhe në atë nacional. Fondacioni vazhdoi ta realizojë Planin strategjik 2017-2020, ku mbizotëruan projektet për ndërmarrësinë.

Fondacioni Albiz për shtatë vjet rresht vazhdoi me mbështetjen e nxënësve dhe studentëve, duke i kushtuar vëmendje të madhe edukimit dhe arsimimit të rinjve, duke u siguruar mbështetje financiare përmes bursave. Arsimimi joformal përmes trajnimeve për ndërmarrësi dhe përgatitjen e projekteve kishte për qëllim përmirësimin e shkathtësive të rinjve.

Po ashtu vëmendje e veçantë iu kushtua edhe filloristëve përmes garave sportive dhe pjesëmarrjen në punëtoritë kulturore. Aktivitete të larmishme u organizuan edhe për nxënësit e shkollave të mesme me punëtoritë për orientim në karrierë. Fondacioni Albiz këtë vit nuk i harroi as familjet e rrezikuara dhe gratë, për të cilët u siguroa mbështetja e duhur. Po ashtu u mbështetën edhe institucione të tjera publike dhe organizata joqeveritare.

Këtë vit për herë të parë u shpall edhe thirrja për grante për organizatat joqeveritare të cilat punojnë në fushën e mbrojtjes të drejtave të fëmijëve me aftësi të kufizuara, ku u mbështetën tre organizata. Një bashkëpunim të mirëfilltë Fondacioni ka pasur edhe me Ministrinë e Arsimit dhe Shkencës, Ministrinë e Ekonomisë dhe Komunën e Sarajit në projekte të ndryshme. Këtë vit për herë të parë Fondacioni pati mbështetje të projekteve nga ana e Qytetit të Shkupit.

Në vitin 2018, Fondacioni Albiz realizoi 18 projekte në pesë programe me buxhet prej 33 milionë denarë. Këtë vit përfundoi mbështetja institucione nga Civika mobilitas, ndërsa u nënshkrua marrëveshje partneriteti në kuadër të projektit trevjeçar regional me CREATE Foundation nga Kosova. Fondacioni Albiz vazhdoi me grumbullimin e mjeteve nga sektori privat dhe fondet e BE. U mbajtën tetë mbledhje të Këshillit drejtues dhe dy mbledhje të Këshillit të donatorëve të Fondacionit. Edhe në periudhën që vijon Fondacioni do t'i kushtohet fuqizimit të kapaciteteve të brendshme, forcimit të marrëdhënieve me donatorët tradicional dhe të tjerë lokal, si dhe gjenerimit të ardhurave nga burime tjera të financimit.

Ibrahim Seferi,
Kryetar i Këshillit të donatorëve

Besim Dauti,
Kryetar i Këshillit drejtues

Besir Dernjani,
Drejtor ekzekutiv

PLATFORMAT

Platforma edukativo – arsimore

Qëllimi i kësaj platforme është zhvillimi i kapaciteteve intelektuale përmes programeve, të cilat i mbështetin nxënësit dhe studentët në rrugën e tyre drejt zhvillimit profesional, duke pasur parasysh zhvillimin e kuadrove cilësore, të cilat do t'i shërbejnë shoqërisë ku veprojnë. Përmes kësaj platforme Fondacioni Albiz ofroi mbështetje financiare, nxitje dhe mundësi, programe për trajnim për avancimin e njohurive dhe shkathtësive të tyre, si dhe mbështetjen pa rezervë në përpjekjet e tyre pioniere në sferën e edukimit dhe arsimit.

Programi “Bursa për nxënës dhe studentë”

Një nga programet bartëse të punës së Fondacionit Albiz është Programi “Bursa për nxënës dhe studentë”. Ky program zbatohet tashmë shtatë vjet. Qëllimi i programit është të mbështeten të rinjtë në zhvillimin e tyre, zhvillimin individual dhe profesional, përmes mbështetjes financiare.



Promovohet gjenerata e shtatë e bursistëve

Më 13 shkurt 2018, në sallën e Operës dhe Baletit Maqedonas, u organizua manifestimin qendror, ku u prezantuan rezultatet nga aktivitetet e realizuara për vitin 2017 të Fondacionit Albiz dhe u promovua gjenerata e shtatë e bursistëve për vitin shkollor/akademik 2017/2018.

“Ngjitja e bursistëve në skenë ndoshta është akt simbolik por shumë domethënës, i cili duhet të shërbejë si krenari dhe mburrje për të gjithë ata që kontribuojnë në këtë program pasi që kanë bërë investimin më të vyer dhe më të dobishëm për shoqërinë”, tha në fjalën e tij Ilir Idrizi, drejtor ekzekutiv i Fondacionit, i cili ju falënderua kompanive donatore për mbështetjen pa rezervë që ata i japin fondacionit.



Mevludin Ibish, anëtar i Këshillit drejtues të Fondacionit Albiz, duke iu drejtuar të pranishmëve tha se “filozofia e Fondacionit Albiz mbi konceptin e filantropisë bazohet në interpretimin e pavarur, ku dhe bëjmë dallimin thelbësor mbi dy nocione si bamirësia dhe përgjegjësia sociale korporative. Në fakt, për ne si Fondacion, bamirësia i eliminon ose zbut nevojat e individëve dhe familjeve të shkaktuara nga problemet sociale, kurse filantropia është koncept që parandalon, në esencë i zgjidh problemet sociale. Në kuadër të manifestimit Fondacioni ndau bursa për 40 nxënës dhe 170 studentë të dalluar. Bashkëpunim të mirëfilltë Fondacioni Albiz ka edhe me Ministrinë e Arsimit dhe Shkencës. Fondacioni Albiz paraqet një shembull të mirë të organizatave joqeveritare, që me punën e tyre u del në ndihmë nxënësve dhe studentëve, në profilizimin e tyre universitar, tha mes tjerash z. Arbër Ademi, zëvendës ministri i Arsimit dhe Shkencës.

Gjatë këtij evenimenti 30 kompanive donatore iu ndanë mirënjohje për kontributin e tyre. Për bashkëpunimin mes pushtetit lokal, Fondacionit Albiz dhe bizneseve foli z. Blerim Bexheti, kryetar i Komunës së Sarajit. Në emër të sektorit afarist u drejtua z. Kasam Zendeli, kryetar i Kuvendit të Odës Ekonomike të Maqedonisë Veri-Perëndimore.

Projekti “Storje sukcesi”

Qëllimi i projektit është që nxënësit dhe studentët të fitojnë njohuri nga përvoja jetësore dhe profesionale e personaliteteve, të cilët kanë arritur sukses në karrierën e tyre. Grupi qëllimor janë bursistët e Fondacionit, nxënës nga shkollat e mesme dhe studentët.

“Guximi është çelësi drejt suksesit”

Në hapësirat e Universitetit të Evropës Juglindore në Shkup, më 31 mars 2018, u organizua edicioni i parë i Storje sukcesi, ku mysafir e kishim mjekun, politikanin dhe afaristin e mirënjohur Imer Selmani. Përmes një rrëfimi të ndërthurur nga jeta e tij private dhe profesionale, peripecitë dhe ngjarjet e kohës, Imer Selmani e nisi tregimin e tij nga mosha adoleshente, kur akoma ishte nxënës i shkollës së mesme dhe pastaj ditët studentore. Ngjarjet politike të asaj kohe, sistemi komunist dhe marrëdhëniet mes moshatarëve të etnikumeve të ndryshme.

“Si nxënës në vitin e dytë në gjimnazin “Zef Lush Marku” kisha dëshirë që të bëhem mjek, por në atë kohë nuk kisha shumë alternativa, si sot, për të studiuar. Të studiosh në Fakultet të Mjekësisë në atë kohë mund të shkoje në Shkup, Prishtinë ose në Zagreb. Për shkak të gjuhës dhe terminologjisë adekuate, më duhej të kaloja në gjimnazin në gjuhën maqedonase “Nikolla Karev”. Në fillim e kisha të vështirë, por me përkushtim të madh dhe shumë punë, unë dëshmova se mund të arrij suksese. Kisha pengesa nga profesorë të caktuar, por në vitin e katërt, ata u dorëzuan, pasi që dijen e kisha në nivel”, tha në fillim të ligjëratës së tij Selmani.



Ai pastaj u përqendrua edhe në ditët studentore, punën e palodhshme, mësimin deri në orët e vona të natës, kushtet e asaj koje. “Nga Saraji duhej ta merrje autobusin me numrin 60 deri në qytet, e pastaj edhe nja 15 minuta në këmbë për të arritur në fakultet. Ta kuptoja terminologjinë mjekësore në maqedonishte e kisha vështirë në fillim, por duke mësuar me orë të tëra, këtë e kisha të lehtë pastaj”, tha mes tjerash Imer Selmani. Ai u tha studentëve se rrugëtimin që do ta marrin, se si do ta trasojnë, varet nga ata vetë. Për të gjitha vendimet nevojitet guxim dhe rrezik i matur. Imer Selmani në moshë mjaft të re, si 32 vjeçar, u zgjodh kryetar i Komunës së Sarajit, ku qëndroi dy mandate. Por, siç tha edhe ai vetë, “nuk mund të plotësohen të gjitha nevojat e qytetarëve në një kohë të caktuar”.

Pastaj ishte edhe deputet në Parlamentin e R. Maqedonisë, ministër i Shëndetësisë dhe zëvendëskryeministër për implementimin e Marrëveshjes së Ohrit.

“Me vëllain në vitet pas ‘90 ja nisëm me tregti të lubrikantëve dhe vajrave për automjete. Ia thamë idenë babait, i cili na dha një shumë të caktuar, por për atë kohë kishin vlerë të madhe, dhe ja nisëm me punë. Por, edhe këtu pa përkushtim të madh, nuk do të arrinim, këtu ku jemi”, tha në fund të rrëfimit të tij Imer Selmani.



Trajnimi për ndërmarrësi sociale

Njëzet të rinj, studentë dhe bursistë të Fondacionit Albiz fituan njohuri të reja dhe shkathtësi praktike nga fusha e ndërmarrësisë sociale. Trajnimi u organizua prej 10-11 mars në Strugë.



Programi i trajnimit përfshiu tema të ndryshme prej pjesës teorike dhe praktike të ndërmarrësisë sociale, siç ishin: Zhvillimi historik i ndërmarrësisë; Procesi i ndërmarrësisë; Profili i ndërmarrësve; Llojet e ndërmarrësisë sociale; Plani i biznesit të ndërmarrjes sociale; Idetë për biznese sociale; Financimi i ndërmarrjes sociale etj. Pjesëmarrësit kishin mundësinë që të mësojnë më shumë rreth disa studimeve të rastit, ku pastaj përmes ushtrimeve praktike i shpalosën idetë e tyre për biznese sociale. Studentët përmes pyetjeve të shumta u informuan rreth fazave të ndryshme të themelimit dhe funksionimit të ndërmarrjes sociale.

“Edhe pse trajnimi për ndërmarrësi sociale ishte i shkurtër nga kohëzgjatja, në fillim më bëri skeptik se a do t’i arrijë ky trajnim t’i përmbushë pritjet e mija, por në fund ia doli. Duke marrë parasysh se unë vij nga një drejtim krejtësisht tjetër nga ekonomia apo ndërmarrësia, jam jurist, ligjërues i këtij trajnimi gjithmonë e kishte parasysh këtë fakt dhe shpjegonte në atë mënyrë që të gjithë ta kuptojmë. Gjatë trajnimit kishte mjaft hapësirë për diskutime apo debate, si dhe për punë praktike”, na tha në fund të trajnimit Ardit Ramadani.

Trajnues gjatë këtij trajnimi dyditor ishte prof. Veland Ramadani, ekspert i fushës nga UEJL. Fondacioni Albiz trajnimin për ndërmarrësinë sociale e realizoi në kuadër të projektit të mbështetur financiarisht nga ana e Ministrisë së Ekonomisë të RM.

Trajnimi për udhëheqje me cikël projekti

Më 28 dhe 29 prill 2018, në Strugë, 17 të rinj u trajnuan dhe morën njohuritë themelore për udhëheqje me ciklin e projektit.

Në trajnimin dyditor pjesëmarrësit patën mundësi që të mësojnë metodologjinë e identifikimit dhe zgjidhjes së problemeve. Gjatë përpilimit të projektit mundeshin të zgjedhin strategjinë për intervenim dhe kornizën logjike, duke e zhvilluar kreativitetin individual dhe punën në grupe.

Udhëheqës i trajnimit ishte z. Fatmir Bytyqi ekspert i kësaj fushe, me përvojë disavjeçare në menaxhimin e projekteve dhe institucioneve.

Qëllimet kryesore të këtij trajnimi ishin aftësimi i të rinjve për menaxhim me projekte, zhvillimi i ideve kreative, aftësimi për punë ekipore.



Platforma kulturore – sportive

Fondacioni Albiz hapësirë të veçantë i kushton edhe kulturës dhe sportit, ku përmes projekteve të ndryshme, e promovon kulturën përmes librit, si dhe ngritjen e vetëdijes të rinjtë për rëndësisë e jetës së shëndetshme.

Veprimtaria botuese

Qëllimi i përgjithshëm i këtij projekti është ngritja dhe avancimi i kulturës në tërësi përmes stimulimit dhe avancimit të autorëve dhe librit.

Promovohen katër tituj të ri

Në Qendrën Informativë Kulturore (QIK) në Shkup, më 3 korrik, u bë promovimi i katër titujve të ri të publikuar në kuadër të veprimtarisë botuese të Fondacionit.



Këtë vit, nga 16 vepra konkurruese, Komisioni për veprimtarisë botuese, i zgjodhi katër tituj të cilët u promovuan gjatë këtij eventi. Librat e mbështetur janë: “Të Drejtat e Njeriut” të autorit Dr. Ali Musliu, “Shkupi me rrethinë gjatë sundimit të Mbretërisë Jugosllave 1929-1941” nga Besnik Rameti, “Fabula popullore shqiptare” prej Edibe Selimi – Osmani dhe “Reflektime Letrare” të Kosovare Krasniqit. Në emër të Fondacionit Albiz foli z. Ilir Idrizi, drejtor ekzekutiv, i cili tha se Fondacioni që nga fillimi e deri më tash janë mbështetur gjithsej 38 vepra në lëmi të ndryshme. Ai e theksoi rëndësinë e mbështetjes të veprave të autorëve, me të cilat do të pasurohen bibliotekat personale dhe ato publike, dhe të cilat kanë rëndësi të madhe për kulturën dhe shkencën.

Në emër të Komisionit për veprimtari botuese u drejtua prof. Ali Pajaziti, i cili tha se në konkursin e sivjetmë konkurruan 16 vepra dhe komisioni e kishte të vështirë të bëjë përzgjedhjen e këtyre katër titujve, por në bazë të kriterëve më të mirët u zgjodhën.

Autori i librit “Të drejtat e njeriut”, Ali Musliu tha se ky libër është ndarë në tre pjesë. Pjesa e parë është kategoria teorike, pjesa e dytë është fokusuar në dokumentet historike dhe pjesa e tretë është pjesa empirike. Ai gjithashtu tha se ky libër pikësëpari u dedikohet studentëve të fakultetit të drejtësisë, kriminalistikës, shkencave humane, sociale etj. Por edhe të praktikantëve të drejtësisë. Jam munduar që të konceptoj, të ndaj në tri kategori bazë.” Librin e autorit Ali Musliu e promovoi Mersim Maksuti.

Besnik Rameti, autor i “Shkupi me rrethinë gjatë sundimit të mbretërisë Jugosllave 1929–1941”, tha se në punimin e tij, lexuesi do të mund të njoftohet me ngjarjet, sundimin dhe vuajtjet që ka përjetuar populli shqiptarë ndër vite. “Në këtë punim që do ta keni në duar do të lexoni për ngjarjet, kohën, sundimin dhe vuajtjet që ka përjetuar populli shqiptar”, tha mes tjerash Rameti. Për librin foli recensenti prof. Vebi Xhemaili.

Autorja e librit “Fabula popullore shqiptarë”, Edibe Selimi Osmani, tha se ky vëllim përmbledh krijime të prozës së shkurtër. “Krijimet e prozës gojore, fabulat janë të bartura ashtu si i kam dëgjuar në ambientet autentike të trevës të Tetovës dhe Gostivarit me rrethinë”, u shpreh autorja Edibe Selimi Osmani. Për veprën foli Izaim Murtezani.

Dhe në fund të këtij eventi u promovua libri “Reflektime Letrare” të autores nga Kosova, Kosovare Krasniqi, cila e falënderoi Fondacionin Albiz dhe anëtarët e komisionit të cilët e zgjodhën librin e saj. Për librin e saj foli recensenti prof. Zeqirja Neziri.



Mbrëmje poetike

Më 21 mars 2018, në hapësirat e Hamamit të Daut Pashës – Çarshia e Vjetër e Shkupit, u organizua për herë të katërt “Mbrëmja poetike”. Ky eveniment organizohet me rastin e Ditës ndërkombëtare të poezisë. Fondacioni Albiz për realizimin e Mbrëmjes poetike hapi konkurs letrar, i cili ishte i hapur për krijuesit e moshës prej 15 deri 25 vjet. Mundësi për ti dërguar poezitë e tyre kishin të rinjtë nga të gjitha trevat shqiptare. Në mbrëmjen finale u recituan tetë poezitë më të mira të përzgjedhura nga ana e jurisë profesionale, e cila ishte në përbërje Adem Abdullahu, poet, botues, përkthyes letrar, Daut Dauti, poet, publicist, gazetar dhe Lira Bojku, poete.



Nga ana e jurisë, të pranishmëve iu drejtua z. Adem Abdullahu, i cili mes tjerash tha se “shumica nga këto krijime kishin nivel të mirë artistik apo të kënaqshëm, por detyrimisht duhej të dilte më i miri nga të mirët dhe kjo nuk është punë e lehtë për t’u bërë, ndaj ne kemi pasur natyrisht edhe dilema dhe hamendje që mos vallë ndonjërit ti futemi në hak”. Çmimi i tretë i jurisë iu nda Ibadete Gafuri për poezinë “Të mos flemë i dashur”, çmimi i dytë iu nda Melek Sulejmanit për poezinë “Letër dashurie e ‘90-es” dhe çmimi i parë, krijueses së re Gresa Livareka për poezinë “Përparësja me dy faqe”. Po ashtu publiku gjatë kësaj Mbrëmje poetike kishte mundësinë ta vlerësojë një autor për interpretimin më të mirë, çmim i cili iu nda Esat Iljazit për poezinë “Larg tokës sime”.



Liga shkollore në futboll të vogël

Qëllimi i projektit është të krijohen mundësi për aktivitete sportive dhe të mbështeten të rinjtë përmes socializimit në sport. Grupi qëllimor janë nxënësit e shkollave fillore në Komunën e Sarajit, nga klasa e gjashtë deri në të nëntën.

Sporti i bënë bashkë filloristët e Sarajit



Për shtatë xhiro radhazi nxënësit e tetë shkollave fillore të Komunës së Sarajit nëpërmjet sportit arritën të promovojnë jetë të shëndetshme, shoqërim dhe interaktivitet. Liga shkollore në futboll të vogël e organizuar nga Fondacioni Albiz tashmë si një garë tradicionale u zhvillua nga 04 Prilli deri më 25 Prill në hapësirat e sallës sportive të Shkollës fillore “Dituria” – Saraj.

Në xhiron e fundit u evidentuan këto rezultate: Vendi i tretë i takoi Sh.F “Emin Duraku” – Bukoviq . Vendi i II i takoi Sh.F “Bedri Tahiri” – Sfillare e Poshtme . Vendi i I i takoi Sh.F “Bajram Shabani” Kondovë Portieri më i mirë për vitin 2018 ishte nga radhët e ekipit Sh.F “Bajram Shabani” Kondovë–Sunaj Fejzulla. Ndërsa golashënues më të mirë për këtë vit u zgjodh: Arijan Ramadani – Sh.F “Bajram Shabani” Kondovë. Në ndarjen solemne të kupës fituese dhe shpërblimeve morën pjesë nënkryetari i këshillit të donatorëve të Fondacionit Albiz z.Jusuf Jusufi dhe kryetari i këshillit drejtues z.Besim Dauti.



Platforma socio-humanitare

Qëllimi i kësaj platforme është të ndihmohen personat në pozitë të vështirë sociale dhe ngritja e vetëdijes të opinionit për humanizëm. Në suaza të kësaj platforme, Fondacioni e ofron mbështetjen e vet përmes donacionit dhe dëstrubimit të pakove me artikuj ushqimor, të cilët u dedikohen familjeve me pozitë të vështirë sociale, ndihmë financiare, material ndërtimor për familjet pa kulm mbi kokë, si dhe forma tjera të mbështetjes për shtresat më të ndjeshme të shoqërisë, duke e llogaritur këtë si akt të solidaritetit, humanizmit në ndihmë njerëzve të cilët kanë nevojë.

Pako me produkte ushqimore për familjet në nevojë

Qëllimi i këtij projekti është të zbutet pozita e vështirë ekonomike dhe sociale e familjeve. Grupi qëllimor janë 200 familje me status të vështirë social, të evidentuar nga Fondacioni Albiz. Fondacioni Albiz edhe si vjet me rastin e muajit të shenjtë të Ramazanit, si dhe Kurban Bajramin organizoi shpërndarjen e 220 pakove ushqimore për familjet me status të rëndë social. Në prag të muajit të Ramazanit u shpërndanë pako me artikuj ushqimor për familjet nga fshatrat Saraj, Gërçec, Krushopek, Semenishtë, Çajlanë, Bukoviq, Bojanë, Kopanicë, Rashçe, Svillare, Kondovë si dhe në Hasan Beg, Haraçinë dhe Çair.



Në kuadër të kësaj platforme, Fondacioni Albiz siguroi ndihmë të njëhershme në bazë të kërkesave të arritura. Gjatë këtij viti u mbështetën 63 persona për trajtim mjekësor dhe ilaçe, ndihmë në të holla dhe materiale për rinovimin dhe ndërtimin e shtëpive dhe ad-hok pako për familjet sociale – të rrezikuara.

Mbështetje për organizatat dhe institucionet

Fondacioni Albiz përveç programeve dhe projekteve të veta vjetore jep mbështetje edhe për institucione të ndryshme, arsimore, sociale, shëndetësore, organizatat qytetare, shoqatat kulturore-artistike, klubet sportive, duke i mbështetur projektet dhe aktivitetet të cilat janë në pajtim me vizionin dhe misionin e Fondacionit Albiz.

Në vitin 2018 u mbështetën: Kryqi i Kuq i Maqedonisë, SHKA "Drita e Dervenit", "22 Nëntori" -Mannastir, Bashkësia Islame e Maqedonisë, Forumi Rinor Islam, El Kalem, KB "Shkupi", KK "Forca", KF "Shemshovë", KK "Fati", KB Çair", KM "Olimpik", KM "Liria 2010".



Platforma për zhvillim

Programi për punë praktike

Në muajin gusht me evenimentin solemn, të organizuar në ambientet e kompanisë Tempo 99, në Shkup, Fondacioni Albiz i ndau certifikatat për pjesëmarrje në punë praktike për 33 studentë. Në kuadër të programit për punë praktike, gjatë muajit korrik, studentët ishin vendosur në gjashtë kompani, donatorë të Fondacionit, të cilët nga afër u njoftuan me procesin e punës. Ata kishin mundësi që përmes praktikës, të mësojnë më tepër rreth asaj që e kanë mësuar në teori gjatë studimeve. Gjatë kësaj periudhe kanë pasur nga një mbikëqyrës të cilët i kanë udhëhequr gjatë gjithë kohës. Drejtori ekzekutiv i Fondacionit Albiz, Ilir Idrizi, i përshëndeti të tanishmit dhe mes tjerash tha se kjo është mundësi e mirë për studentët që të mësojnë më shumë rreth punës në kompani, por edhe për ata të cilët kanë lënë përshtypje të mirë, mundësi që të punësohen. Në emër të kompanive, nikoqire të punës praktike, foli z. Ibrahim Seferi nga kompania Frukt Import dhe z. Hamim Dauti. Gjithashtu të pranishmëve u drejtuan edhe disa nga praktikantët, të cilët shprehën falënderim deri te kompanitë për bashkëpunimin e shprehur



Në programin për punë praktike morën pjesë 22 studentë nga Maqedonia, të cilët ishin vendosur në kompanitë Frukt Import, Dauti Komerc, EftinijalImpeks, Baudom, Baukop, Tempo 99 dhe Fondacionin Albiz. Ndërsa 11 studentë nga Kosova punën praktike e realizuan në kompaninë Dauti Komerc në Ferizaj. Pas përfundimit të suksesshëm të punës praktike për pjesëmarrësit u organizua edhe një udhëtim një ditor.

Kursi për rrobaqepësi

Më 28 gusht në SHF "Dituria" në Saraj, në mënyrë solemne u përmbyll kursi i dytë për rrobaqepësi. Fondacioni Albiz në bashkëpunim me Shkollën moderne për prerje dhe qepje "Spens Moderna" e organizuan këtë kurs për rrobaqepësi prej 2 korrik deri më 28 gusht.

Në kursin për rrobaqepësi shkathtësi të reja fituan 21 pjesëmarrëse të Komunës së Sarajit. Ky kurs u organizua me qëllim që vajzave dhe grave tu ndihmohet në edukimin e tyre joformal për të siguruar kushte për vetëpunësim.



Ligjëratat u organizuan me metodologji për punë, kryesisht 80 orë mësimore (25 orë teori-bazat e prerjes dhe 55 orë praktikë-qepje), 2 herë në javë, nga 3 orë mësimore prej 60 minutave. Ligjëratat u organizuan nga instruktore profesionale nga Studioja "Spens moderna".

Gjatë solemnitetit të gjitha pjesëmarrësve iu ndanë certifikata për pjesëmarrje në kurs, e cila më pas mund t'ju ndihmojë të kyçen në ndonjë kompani tekstili, të hapin ndonjë dyqan rrobaqepësie ose të punojnë vetë në kushte shtëpiake. Vajzat dhe gratë pjesëmarrëse i prezantuan veshjet e ndryshme, fustanet, fundet, këmishët etj., që i kishin punuar gjatë kursit. Për ndarjen e certifikatave ishin të pranishëm edhe përfaqësueset e kompanive donatore Dauti Komerc, Eftinija Impeks, Tempo Profili 99, të cilët e mundësuan realizimin e kursit për rrobaqepësi.



Panairi i tretë i bizneseve në Komunën e Sarajit

Më 22 dhjetor për herë të tretë u organizua “Panairi i bizneseve të Komunës së Sarajit”, i cili u mbajt në hapësirat e restorantit Korabi në Saraj.

Fjalë përshëndetëse mbajti z. Ibrahim Seferi, kryetar i Këshillit të donatorëve të Fondaconit Albiz. Ai mes tjerash tha se *“Prodhimet dhe shërbimet e tyre na bëjnë krenarë me cilësinë e lartë. Kompanitë të cilat sot janë prezent, përfaqësojnë brende të ndryshme dhe mbi 10 mijë prodhime, e cila është ofertë shumë e mirë që u ofrohet të gjithë konsumatorëve në Maqedoni. Prandaj edhe duhet ta theksojmë se vendi nuk mund të arrijë integrim politik në BE, pa integrim ekonomik dhe këtë integrim ekonomik duhet vërtetë ta marrin në dorë bizneset, të cilat janë shtylla e përsheptimit të këtyre proceseve. Kompanitë e Komunës së Sarajit janë pjesë e zhvillimit ekonomik të vendit.”*



Në kuadër të Panairit të bizneseve, u organizua forumi me temë “Sfidat dhe mundësitë për bizneset për vitin 2019”. Në forum si panelistë morën pjesë z. Kreshnik Bekteshi, ministër i Ekonomisë, z. Blerim Bexheti, kryetar i Komunës së Sarajit dhe z. Nebi Hoxha, kryetar i Odës Ekonomike të Maqedonisë Veri-Perëndimore. Këtë vit në panair morën pjesë rreth 40 kompani, të cilat i promovuan prodhimet dhe shërbimet e tyre. Gjatë panairit u promovua edhe Katalogu i bizneseve të Komunës së Sarajit. Në katalog janë përfshirë të dhënat për rreth 400 kompani, ku mund të gjenden informata për veprimtarinë, numrin e të punësuarve, qarkullimin vjetor, neto fitimin, kontaktet etj. Panairin e vizituan qindra qytetarë të Komunës së Sarajit, si dhe më gjërë.

Platforma për infrastrukturë

Rinovohet Spitali për obstetrikë dhe gjinekologji “Nëna Terezë”

Kompanitë private “Alma M”, “Tempo 99” dhe “Eftinia Impeks”, përmes Fondacionit Albiz, dhuruan mjete financiare për rinovimin e Spitalit “Nëna Terezë”.



Me këtë donacion u bë e mundur rinovimi i pjesës për anestezion dhe mjekim intensiv dhe dy salla për operacione. Rinovimi ka zgjatur gjashtë muaj, nga qershori deri në dhjetor të këtij viti, ndërsa janë shpenzuar mbi gjashtë milionë denarë, të siguruara nga kompanitë.



“Deri në vitin e kaluar kemi donuar fonde nëpër shkolla, shkollimet janë shumë me rëndësi por duke biseduar me drejtorin e spitalit gjinekologjik si dhe me punëtorët, e pamë të nevojshme të investojmë. Ideja ishte që të ndihmojmë këtë projekt, motivi i ndihmës erdhi nga ajo që të ndërtojmë shkolla do të ndihmojmë të ardhmen por duke shpëtuar një jetë është edhe ajo shumë me rëndësi dhe kjo është që ne vendosëm të financojmë këtë projekt”, tha Muharrem Murtezani – Alma M.

Projekti “Kultura është Cool”

Më 21 qershor në Parkun e Sarajit, filloi zbatimi i aktiviteteve të projektit “Kultura është Cool”. Aktiviteti i parë në kuadër të këtij projekti ishte punëtorja artistike, ku nxënësit e patën mundësinë të krijojnë vepra në pikturë, skulpturë dhe poezi. Me aktivitetet për nxënësit e klasave të larta u përfshinë 73 nxënës të shkollave fillore të Komunës së Sarajit. Nxënësit pjesëmarrës ishin ndarë në tre grupe, 31 në pikturë, 14 në skulpturë dhe 28 në poezi. Pjesëmarrësit në punëtori patën kohë të mjaftueshme që ta përdorin imagjinatën e tyre në krijimin e veprave. Arsimitarët e lëndëve përkatëse i votuan veprat më të mira. Pas kësaj u shpallën edhe fituesit, nga 3 vende të para në çdo kategori. Nxënësit u shpërblyen me pajisje shkollore.



Më 20 shtator 2018, në Parkun e Sarajit, në kuadër të projektit “Kultura është Cool”, e organizoi shfaqjen me kukulla “Në botën e fabulave” në realizim të Qendrës Teatrore për Fëmijë, Shkup. Mbi 200 fëmijë të klasave të ulëta kishin mundësi ta ndjekin shfaqjen “Në botën e fabulave” (fabulat e Ezopit). Përveç që do t’u mundësojë fëmijëve ta gëzojnë të drejtën për kulturë, njëkohësisht do të promovohen edhe vlerat tjera demokratike, sidomos duke pasur parasysh që shfaqja është interaktive dhe nxit dialog e debat mes publikut rreth temave që përpunohen në të.

Një numër i madh i fëmijëve kishin mundësi që për herë të parë të shohin një shfaqje me kukulla dhe gëzimi i tyre ishte i madh. Po ashtu në kuadër të projektit u realizua edhe Panairi i veshjeve dhe ushqimit tradicional të rrethit të Sarajit, që u realizua në bashkëpunim me Shkollën e mesme Saraj. Nxënësit nga kjo shkollë përgatitën ushqime të këtij rrethi, si dhe ishin veshur me kostume tradicionale. Kjo nxiti kërshëri të madhe.

Projekti “Kultura është Cool”, u zbatua nga Fondacioni Albiz, ndërsa u mbështet nga Qyteti i Shkupit në kuadër të programit “Nga qendra në periferi: Kultura si mjet për zhvillim të shoqërisë”.



Projekti “Për planifikim më të suksesshëm të karrierës”

Fondacioni Albiz e realizoi projektin “Për planifikim më të suksesshëm të karrierës”, i cili është i mbështetur financiarisht nga Qyteti i Shkupit. Më 9 tetor në ambientet e shkollës së mesme “Zef Lush Marku”, në Shkup, u organizua punëtori me 30 mësimdhënës të tre shkollave të mesme të përfshira në këtë projekt: SHMQSH “Zef Lush Marku”, shkolla e mesme e ekonomisë “Arsenij Jovkov” dhe SHMQSH “Marija Kiri Sklodovska”. Gjatë punëtorisë mësimdhënësit patën mundësi të fitojnë njohuri dhe teknika për orientim në karrierë të nxënësve gjatë procesit mësimor. Orientimi profesional i nxënësve ka rëndësi të madhe për sistemin e përgjithshëm shoqëror.



Po ashtu në kuadër të projektit u organizuan edhe tre punëtori me nxënësit e shkollave të zgjedhura. Gjatë punëtorive nxënësit u njoftuan se si përgatitet CV, letra e motivimit dhe intervista me punëdhënësit. Nxënësit kishin mundësinë të kuptojnë më shumë se cila është përvoja e tyre, shkathtësitë dhe interesimet e tyre, çfarë pritet prej një vendi pune, si zhvillohet profesionalisht një person etj. Përmes ligjëratës interaktive dhe lojërave ata kishin mundësi të jenë në role të ndryshme.

Më 19 tetor 2018 për nxënësit që morën pjesë në këtë projekt u realizua vizitë studimore në dy kampe universitare: Universiteti i Evropës Juglindore dhe Universiteti Ndërkombëtar Ballkanik. Gjatë vizitës ata u njoftuan me programet studimore që i ofrojnë këto dy universitete, si dhe patën mundësinë t'i vizitojnë ambientet e komplekseve dhe kushtet për studim. Më 25 tetor u organizua evenimenti përmbyllës i projektit, ku gjatë punëtorisë njëditore nxënësve ju dha mundësia përmes prezantimeve të lira t'i shprehin ëndrrat e tyre për profesionin e ardhshëm, interesimet dhe sa ata e njohin shokun e tyre. Punëtorja kaloi në një atmosferë mjaft të këndshme dhe nxënësit shprehën gatishmëri dhe dëshirë që të marrin pjesë në evenimente të ngjashme edhe në të ardhmen.



Grant për mbështetje financiare për 3 organizata lokale

Në kuadër të Programit për grante - 2018 për mbështetje financiare të organizatave joqeveritare, u mbështetën tre organizata.

Këtë vit, në thirrjen e shpallur në maj 2018, mundësi për paraqitje kishin organizatat e shoqërisë civile të cilat kontribuojnë në përmirësimin e kushteve të fëmijëve me aftësi të kufizuara në Republikën e Maqedonisë. Në këtë thirrje u paraqitën shtatë organizata. Pas evaluimit nga ana e Komisionit të Fondacionit Albiz mbështetje financiare për projektet e tyre fituan tre organizata dhe atë: Shoqata Dua Ylberin, Shoqata Imago Plus dhe Bota ime.



Me këtë thirrje përfituesve të grantit iu mundësua që ta fuqizojnë ndikimin e tyre lokal, të bëjnë ndryshime reale dhe t'i përmirësojnë shërbimet ndaj grupit qëllimorë në vendin ku veprojnë. Organizatat aktivitetet e tyre i realizuan prej qershorit deri në dhjetor të vitit 2018.

Fondacioni Albiz dhe Fondacioni Create nënshkruajnë marrëveshje partneriteti

Fondacioni për zhvillimin e arsimit dhe kulturës Albiz dhe Fondacioni CREATE nënshkruan marrëveshje partneriteti për implementimin e projektit “The European Union, Innovation & Media Partnership for Action, Collaboration and Transformation in the Western Balkans”



Objektivi i përgjithshëm i projektit është që Organizatat joqeveritare (OJQ), sipërmarrësit e rinj dhe inovatorët social të bashkëpunojnë për t’i përdorur mjetet e reja të medias në mënyrë më efektive, që të krijojnë vende të reja pune dhe për t’i promovuar çështjet reformuese socio-ekonomike në Ballkanin Perëndimor. Projekti synon ta zvogëlojë papunësinë e të rinjve duke transferuar ekspertizën në sipërmarrësi, inovacionet sociale dhe rrjetëzimin tek të rinjtë nga rajoni, për të nxitur një zhvillim gjithëpërfshirës dhe të qëndrueshëm ekonomik në mesin e të rinjve. Projekti do të zbatohet në Maqedoni, Kosovë, Shqipëri, Bosnjë dhe Hercegovinë dhe Serbi në periudhën prill 2018 – prill 2021.

ORGANIZATA

Këshilli i donatorëve

Ibrahim Seferi, Frukt Import, kryetar
Jusuf Jusufi, JusMb, nënkryetar
Nexhat Shaini, Baukop,
Xhemail Dauti, Dauti Komerc
Rexhep Bajrami, Adrijus
Daim Ramadani, Dauti Transportshped
Sabudin Asani, Izvor
Xhemail Nuishi, Via Komerc
Xhevat Rushiti, Rosen Centar
Feta Shahin, Hitaçi Konstrakshën
Adem Abdullau, Prince Enterprise
Nazmi Ejupi, Benton-ni
Ali Ademi, Duli-Bau
Sali Sali, Sal-Kom
Bajram Imeri, Eftinija Impeks
Taip Taipi, Sarp Ltd.
Fatmir Sulejmani, Date Komerc
Iso Latifi, Euro Is Grup
Hikmet Alimi, Rudi Kompani
Izair Tusha, Rais Trans
Enver Sali, Bonita Trejd

Këshilli drejtues

Besim Dauti, kryetar
Mirvet Ramadani, nënkryetar
Mevludin Ibish
Nexhati Lika
Abdulrijad Tahiri
Mexhait Shaini
Ali Pajaziti
Flori Aasani
Orhan Kadri
Ilir Idrizi (pa të drejtë vote, deri më
01.10.2018)
Besir Dernjani (prej 01.10.2018)

Zyra ekzekutive

Besir Dernjani, drejtor ekzekutiv, besir.d@albiz.org.mk (prej 01.10.2018)
Ilir Idrizi, (deri më 01.10.2018)
Gramoz Shabani, menaxher projekti, gramoz.sh@albiz.org.mk
Xheneta Ramadani, nëpunëse administrative dhe financiare, xheneta.r@albiz.org.mk
Ilmie Iseni, (deri më 01.08.2018)



FONDACIONI ALBIZ
Fondacioni për zhvillimin e arsimit dhe kulturës

RAPORT VJETOR

2018



për të mirën e shoqërisë...



FONDACIONI ALBIZ
Fondacioni për zhvillimin e arsimit dhe kulturës

RAPORT VJETOR 2018

tel: 00 389 2 2057 632
mail: info@albiz.org.mk
rr.20 nr.97 Saraj, 1000 Shkup
www.albiz.org.mk

për të mirën e shoqërisë...